

民國文存

40

中國近百年史要

陳懷著

知識產權出版社

013037062

K25

122

民國文存

40

中國近百年史要

陳懷著



知識產權出版社



北航

C1644606

b25

122

本書分20章，記述鴉片戰爭至清朝滅亡的歷史。內容包括鴉片戰爭，道光咸豐時的內政，英法同盟軍入京，中俄黑龍江交涉，太平天國運動，捻回運動，天津教案，日本訂約及琉球交涉，煙臺、伊犁、越南、馬關條約，各國租界軍港條約；慈禧三次垂簾，自立軍之起滅，義和團運動，俄日朝鮮之爭及俄英西藏之爭，清末內政與外交，清室滅亡等。本書詳于史事興衰治亂之故，對重要事件和人物也有簡要介紹。

本書適合對歷史感興趣者及相關的研究者閱讀使用。

責任編輯：韓帥

責任校對：韓秀天

動態排版：賀天

特約編輯：劉怡宏

責任出版：盧運霞

圖書在版編目 (CIP) 數據

中國近百年史要/陳懷著. —北京：知識產權出版社，2013.1

(民國文存)

ISBN 978-7-5130-1837-1

I .①中… II .①陳… III .①中國歷史—近代史 IV .①K25

中國版本圖書館 CIP 數據核字 (2013) 第 006517 號

中國近百年史要

Zhongguo Jinbainian ShiYao

陳懷著

出版發行：知識產權出版社

社 址： 北京市海澱區馬甸南村 1 號	郵 編： 100088
網 址： http://www.ipph.cn	郵 箱： bjb@cnipr.com
發行電話： 010-82000860 轉 8101/8102	傳 真： 010-82005070/82000893
責編電話： 010-82000860 轉 8346	責編郵箱： hanshuai@cnipr.com
印 刷： 北京中獻拓方科技發展有限公司	經 銷： 新華書店及相關銷售網站
開 本： 720 mm×960mm 1/16	印 張： 13.5
版 次： 2013 年 3 月第一版	印 次： 2013 年 3 月第一次印刷
字 數： 165 千字	定 價： 42.00 元

ISBN 978—7—5130—1837—1/K · 169(4655)

出版權專有 侵權必究

如有印裝質量問題，本社負責調換。

民國文存

(第一輯)

編輯委員會

文學組

組長：劉躍進

成員：尚學鋒 李真瑜 蔣方 劉勇 譚桂林 李小龍
葉曄 吳冠文 鄧如冰 金立江 張新贊

歷史組

組長：王子今

成員：秦永洲 張弘 李雲泉 李揚帆 姜守誠 吳密
姜鵬

哲學組

組長：周文彰

成員：胡軍 胡偉希 彭高翔 干春松 楊寶玉

出版前言

民國時期，社會動亂不息，內憂外患交加，但中國的學術界卻大放異彩，文人學者輩出，名著佳作迭現。在炮火連天的歲月，深受中國傳統文化浸潤的知識份子，承當著西方文化的衝擊，內心洋溢著對古今中外文化的熱愛，他們窮其一生，潛心研究，著書立說。歲月的流逝、現實的苦樂、深刻的思考、智慧的光芒均流淌於他們的字裡行間，也呈現於那些細緻翔實的圖表中。在書籍紛呈的今天，再次翻開他們的作品，我們仍能清晰地體悟到當年那些知識分子發自內心的真誠，蘊藏著對國家的憂慮，對知識的熱愛，對真理的追求，對人生幸福的嚮往。這些著作，可謂是中華歷史文化長河中的珍寶。

民國圖書，有不少在新中國成立前就經過了多次再版，備受時人稱道。許多觀點在近一百年後的今天，仍可說是真知灼見。眾作者在經、史、子、集諸方面的建樹成為中國學術研究的重要里程碑。蔡元培、章太炎、陳柱、呂思勉、謝無量、錢基博等人的學術研究今天仍為學者們津津樂道；魯迅、周作人、沈從文、丁玲、梁遇春、李健吾等人的文學創作以及傅抱石、豐子愷、徐悲鴻、陳從周等人的藝術創想，無一不是首屈一指的大作家名作。然而這些凝結著汗水與心血的作品，有的已經

罹於戰火，有的僅存數本，成為圖書館裡備受愛護的珍本，或成為古玩市場裡待價而沽的商品，讀者很少有隨手翻閱的機會。

鑑此，為整理保存中華民族文化瑰寶，本社從民國書海裡，精心挑出了一批集學術性與可讀性於一體的作品予以整理出版，以饗讀者。這些書，包括政治、經濟、法律、教育、文學、史學、哲學、藝術、科普、傳記十類，綜之為民國文存。每一類，首選大家名作，尤其是對一些自新中國成立以後沒有再版的名家著作投入了大量的精力，進行了整理。在版式方面有所權衡，基本採用化豎為橫、保持繁體的形式，標點符號則用現行的規範予以替換，一者考慮了民國繁體文字可以呈現當時的語言文字風貌，二者顧及到今人從左至右的閱讀習慣，以方便讀者翻閱，使這些書能真正走入大眾。然而，由於所選書籍品種較多，涉及的學科頗為廣泛，限於編者的力量，不免有所脫誤遺漏及不妥當之處，望讀者予以指正。



作者像

目 錄

緒論	1
第一章 中英鴉片之戰爭	3
第二章 道光、咸豐間之內政	20
第三章 道光時之內亂	27
第四章 英法同盟軍之入京	38
第五章 中俄黑龍江之交涉	53
第六章 太平天國之始末	59
第七章 捏回之起滅	82
第八章 天津教案	96
第九章 日本訂約之始及琉球之交涉	100
第十章 同治中興	104

第十一章 煙臺、伊犁、越南條約	111
第十二章 《馬關條約》	123
第十三章 各國租借軍港條約	131
第十四章 慈禧太后之三次垂簾	134
第十五章 自立軍之起滅	144
第十六章 義和拳之亂	148
第十七章 俄日朝鮮之爭及俄英西藏之爭	160
第十八章 光緒末年之內政	167
第十九章 清末外交	176
第二十章 清室滅亡	183
編後記	199

緒論

昔日日本桑原隣藏嘗據中國本部之大勢，參考旁近各族之盛衰，區分我中國歷史之時代，而以太古至戰國之終為上古期；自秦一統至唐之亡千餘年間為中古期；自五代之始至明之亡七百年間為近古期；自清以來為近世期。於是我國言歷史者或采用其說，分我國之歷史為四部，即（一）自太古至戰國為上古史；（二）自秦至唐為中古史；（三）自五代至明為近古史；（四）自清以來為近世史。我謂學者欲知我國今日變遷之由來，與世界列國關係之大勢，似又以研究近百年史為尤要焉。

我國自黃帝以至於晉，局勢無大更易，雖有革故鼎新之變遷，不過為同族之戰爭、改姓氏易正朔而已。東晉以還，於是有以外族而入主中原者，前則有北魏、北齊、北周，後則有遼、金、元、清，然亦不過為同種之戰爭，從未有如百年以來，重門洞開，藩籬盡撤，舉凡歐美界絕不隣之邦，瀛海從古未通之國，莫不高掌遠蹠，聯袂偕來，虎視眈眈，日圖宰割，道光二十年中英鴉片之戰爭為其禍胎焉。此近百年來之歷史所以與百年以前之歷史之一大異點也。

我國自上古以來，皆為君主專制之國，雖有賢聖之君，如五帝三王者，施仁政下膏澤於其民，然視其君與民之階級，亦莫不判乎若霄壤之不同焉。嬴劉以下，日益加甚，尊其君若帝天、若神明之

不可侵犯，而民不啻如土芥然。自歐亞交通，西力東行，有識者於是漸知有所謂法治之國與立憲之政者，日思起而脫離專制之網羅，衝破君民之畛域，咸豐、同治間太平天國之戰爭，非其先驅歟？此近百年來之歷史所以與百年以前之歷史之又一大異點也。

由是我國今日之政治風俗思想學術，日新月異，莫不根於近百年以來；故因時觀變，編述歷史，敢以近百年為斷，名之曰：《中國近百年史要》，蓋揭其大要云爾。

第一章 中英鴉片之戰爭

我國秦漢以前，無國際交通之可言，雖始皇、武帝，雄才大略，伐匈奴，通西域，實兼併政略耳，非國際交通之謂也。自後漢與大秦、東晉與日本、唐與大食，漸有國際交通之可言，然猶不過曠代一至，於事實上尚無大關係；及蒙古勃興，入主中原，中外國際，始多交涉，先後征服亞西亞中部及西部諸國，長驅達歐羅巴，破俄羅斯，克匈牙利，攻波蘭，入奧境，大軍屯東歐者七年。其時兩大陸國，商賈往來，貿易頗盛。當時歐洲基督教徒屢興十字軍討回教之土耳其人，見蒙古人聲威方盛，願與修好同盟。羅馬教皇意諾聖脫四世嘗遣使於元，法蘭西王路易十四亦遣使來通好，實為數千年來未有之創局。第自元衰而後，或斷或續，其關係又微。厥後民國紀元前四百十五年，為明弘治十年，有葡萄牙人滑士科達軋摩者，繞喜望峯，達印度之馬拉巴爾海岸，發現歐亞航路。及至民國紀元前三百九十六年，為明正德十一年，又有葡萄牙人刺法耳希司脫羅者，率商船來廣東，我國官吏，甚優遇之，使泊於森得勤斯島，後復分居於電白、澳門等處。民國紀元前三百五十五年，明嘉靖三十六年，葡人竟設官於澳門，視為殖民地，明政府亦不之拒。至民國紀元前三百三十九年，明萬歷元年，明政府且令築壁於澳門附近，默認壁外為葡人自治地。民國紀元前三百三十年，明萬歷十年，又承認葡人年科地租五百金，葡人得以是遂執亞

東商業之牛耳，是為歐亞間實行交通之始。繼是，歐洲各國之交通於我中國，有荷蘭，有西班牙，有英吉利，亦皆自明季來我中國經營商務者也。以英吉利為尤強。清道光間鴉片之役，即為我中國與英吉利商務戰爭之始，亦即為我中國與世界各國外交失敗之初，學者所亟宜注意也！

英人經營東方之商務，以印度為根據地。民國紀元前三百十三年，為明萬曆二十七年，有倫敦商人組織東印度會社，極力經營印度。是時，葡萄牙人方在澳門獨攬遠東商務之權，英人屢與之戰，葡人不能敵，許英人自由出入於澳門。越十有六年，英人有威代爾者，率艦隊謁澳門葡官，葡人拒之。威代爾思與廣東大吏直接交涉，復為葡人所間，不得上陸。威代爾移艦進虎門，忽被守兵炮擊，英人激戰，少頃，炮臺竟陷。廣東大吏乃與議和，收回炮臺，還其武器，許於廣東河口通商。會明亡清興，廣東屢用兵，英人貿易大受影響，鄭成功父子據守臺灣、廈門，英人交好於鄭經，得自由貿易於臺灣、廈門兩地。至民國紀元前二百三十二年，為清康熙十九年，復通商於廣東，在廣州建設商館。尋又許在浙江舟山貿易，會其時廣州稅額增加繁重，英人遂欲漸舍粵而就浙。民國紀元前一百五十五年，為清乾隆二十二年，英人與諸國商船聚泊於浙海者日衆。清復更定浙海稅則，視粵海又加重，以為限制洋商之計，英人氣沮。越二年，英商洪任輝自寧波赴天津，以廣東貿易之困難，哀訴清政府，語侵粵海關監督。清政府遣員按問，袒護粵海關監督，坐洪任輝以妄控之罪，錮之澳門附近獄中，久之始赦歸。民國紀元前一百二十八年，為清乾隆四十九年，又有英船在廣州黃埔，以舉放祝礮裝置不慎，誤殺一華人；地方官遽捕礮手，處以死刑。英政府聞之，亟謀改良兩國之交涉，乃以民國紀元前一百二十年，為乾隆五十七年，遣正使伯爵馬戛爾

尼、副使斯當東等入中國，要求駐員京師，建設商館，貿易寧波、天津，居留粵、浙海島，以及減輕稅額，任聽傳教等件，並不為祝帝壽來也。中國官吏，認英為朝貢國，以英使臣為祝嘏而至，循例予以旗章，題曰“英國貢船”，強使立之。及至京師，政府又循例強使於覲見時行叩頭之禮，馬戛爾尼等恐以此等小節，損失感情，妨礙商利，勉循入覲，以所要求諸款向政府提議。清帝以其荒遠，不識天朝禮制，妄行乞請，無足深責，乃一方賜使臣筵宴，優加賞賚，以盡懷柔之意；一方則勅諭英皇，盛稱天朝威德，於英政府所要求，駁斥無遺，付使臣遣之。而馬戛爾尼等惘然而去，真所謂天威不可窺測也！尋會歐洲以法國大革命之故，生英法二國之抗爭，法帝拿破崙欲從財政上破滅英國，乃頒布大陸條例，禁歐洲諸國與英人通商；葡萄牙梗命，法遣兵併有其地。英人恐法並奪澳門，乃於民國紀元前一百十四年，為清嘉慶十三年，遣海將度路利率戰艦十三艘進泊香山雞頭洋，旋以三艘入黃浦，並有三板船入廣東省河，以防禦法蘭、西保護中英貿易為詞，且願與中國協剿海賊。以其意作書投兩廣總督，遂登岸，分兵守住澳門礮臺。清政府恐其將實行占領之策，飭兩廣總督吳熊光嚴詞拒絕，且封禁水路，以絕其糧食。英人苦之，啟碇引還印度。自是英國兵艦，輒違舊制，出入虎門。越六年，兩廣總督蔣攸銛奏定防閑五策：（一）嚴禁民人私為夷人服役；（二）洋行不得用歐式建築；（三）店號不得用夷字；（四）清查商欠；（五）內地民人不得私住夷館。並得旨允行。英人以乾隆時浙江之貿易既不得遂其請願，近來廣東之貿易又受種種之箝束，乃於民國紀元前九十六年，為嘉慶二十一年，復遣使臣前印度總督亞墨爾斯等來中國，詣闈陳訴。使臣不遵成例，於粵岸收泊，徑駛至天津海口登岸。及入京，又以覲見禮節之紛議，臨時稱病而出，彼並非為覲見而來。清政府自以為天下之共

主，英使臣如此倨傲侮慢，荒謬無理，嚴旨斥逐回國，並寄勅諭英皇，備責使臣之不合。是時英廷無一人通解華文者，故庚之未嘗啟視也。英使既去，清政府恐無以昭示臣工，乃通諭各直省及蒙古王公等，飾詞掩諱，謂英使朝服未備，不便瞻謁大皇帝云。此次英使亞墨爾斯等，又與乾隆時之馬戛爾尼等同一不解所謂，悵悵而去。自是中英之邦交，感情日失，潛伏無形之禍機於不覺中。其隨行人等，以途中所見中國內地之實情，筆之於書，歸而布諸全國，則實為英人莫大之利益，有識者於此早有隱憂焉。

未幾，果有鴉片之戰爭。我國向來閉關自守，不識外國之地勢情形，不通外國之語言文字，謬自尊崇，以中國為天朝，外國之來我中國者，皆為朝貢使也。漢唐以還，大率如此。清政府尤甚，觀於乾隆、嘉慶間兩次嚴飭使臣、寄諭英皇之氣燄，可想而知矣。迨至鴉片之役，英人但以貿易之紛議，遽生意外之變故，乃至以兵力相見，於是西力東漸，遂有一日千里之勢。吁，何其暴也？鴉片舊為藥品，產自印度，華言阿芙蓉。民國紀元前一千一百年間，為唐貞元時，有阿刺比亞商人以鴉粟輸入中國，即鴉片也。至明時，輸入漸盛，其時貿易以葡萄牙人為主。民國紀元前三百二十三年，為明萬曆十七年，曾列入關稅表中。是則鴉片之通行於我中國，由來尚已。明季以來，民間漸有用以吸食者。至清雍正間，爰布吸用鴉片之禁令，銷路為之稍減。迄乾隆初，輸額亦尚不多，其權尚仍在葡萄牙人。洎乾隆中年以後，印度、澳門之商權，全握於英吉利，於是鴉片之輸入於我中國者日益增，而民人之吸食鴉片者亦日益甚。民國紀元前一百十二年，為清嘉慶五年，清政府以鴉片流毒日廣，復疊下嚴旨，禁其輸入，有發見者輒銷毀之。然禁令愈嚴，而秘密貿易愈盛。英商等竊於廣州灣中之伶仃島及大嶼山等地，設船屯積，謂之鴉片躉；廣東商人專以包攬走漏為業者，皆蓄

快艇，裝以礮械，謂之快蟹；其私設之會社，在廣州者謂之大窯口；分布各地者謂之小窯口。所在勾通吏役，結納哨兵卒，復與沿海各官衙私締契約，每輸入鴉片一箱，納賄若干。中國官吏，受其賄賂，聽其自由輸入，至道光中葉，其輸入之額，比之嘉慶季年，又幾增至五倍之多。是時英外務大臣巴墨斯敦欲擴張其東方商務之權，派遣律勞卑為貿易監督官，駐廣東，使保護本國商民，且向清政府要求推廣商港。民國紀元前七十八年，為道光十四年秋，律勞卑抵澳門，將詣廣州，兩廣總督盧坤令行商傳命止之。律勞卑自謂英皇代表，不能受督臣之命，不允！報書用平行款式。盧坤亦怒其不用呈請，拒之！一方則請旨封船，將該國貿易暫行停止，量加懲抑；一方則發兵防範海口，嚴守砲臺，以備不虞。律勞卑率軍艦二艘以八月五日乘漲潮突入虎門，發礮互擊，卒以是月九日進泊黃埔。盧坤方徵調水陸諸軍扼要設防，而律勞卑適以酷暑致疾，於十九日退去。盧坤等遂以英人內外消息不通，惶恐悔罪，懇求給牌下澳等詞，鋪張入告，許英人通商如舊。未幾，律勞卑病死澳門，英政府以羅頻孫繼之。而盧坤等方懲於前事，增定防範八條：（一）外國護貨兵船不得駛入內洋；（二）責成行商稽查洋人私運軍械或攜帶婦女至省；（三）引水買辦須由澳門同知給發牌照；（四）限制夷館雇工；（五）洋人在內河應用無篷小船，禁止閒遊；（六）洋人具稟事件，一律由行商轉達；（七）行商承保洋船應兼用認保派保法；（八）責成水師嚴查洋商逃稅。明年春三月，遂公布實行。以故羅頻孫在任，惟居留澳門，或一至伶仃。陰上書於英國政府，議於珠江口占一小島為根據，不復求與督臣相交涉。會英政府廢除貿易監督之職，以甲必丹義律為領事，代之。是時，英政府務主和平，故義律亦欲以和平政策恢復商利，一反前貿易監督律勞卑、羅頻孫等之所為，不肯輕失中國之感情。會中國禁止鴉片律

令日嚴，一歲之中，屢下詔旨。義律雖苦心調和於其間，而卒無效果。清政府以鴉片之輸入，日增不已，不獨於人民之衛生道德，生種種之弊害，且於國家之經濟，亦大受其影響。道光三年以前，廣東海口歲漏銀數百萬兩；三年至十一年，歲漏銀千七八百萬兩；十二年至十四年，歲漏銀二千餘萬兩；十五年至十八年，歲漏銀三千餘萬兩。此外，福建、浙江、山東、天津各海口，合之亦數千萬兩。於是內地之銀價遞漲，每銀一兩，至易制錢一千六百有奇。民國紀元前七十四年，為道光十八年，內閣學士朱嶟、御史朱成烈、鴻臚寺卿黃爵滋等先後奏請嚴塞漏卮，湖廣總督林則徐覆奏，語尤剴切，至謂“鴉片不速行禁絕，則國日貧，民日弱。數十年後，豈惟無可籌之餉，抑且無可用之兵”。偉哉，斯言也！清帝大感動，即命林則徐為欽差大臣，馳驛赴粵，實行杜絕鴉片貿易之策。明年，林則徐至廣東，查察鴉片貿易情形，得其秘密內容，先捕華商之業鴉片煙者，戮於外國商館之前，以示聲威。嗣傳集十三洋行，發交諭帖，令轉諭洋商，限於三日內將所藏煙土盡數交出。英商不從，則徐大怒，直命吏卒襲商館，英商館大恐，出鴉片一千三十七箱付吏卒。則徐知非實數，乃捕其領事教師諸人以恐之，且奪其船舶，絕其糧食。英商大困，旋獻鴉片二萬零二百八十三箱以謝罪，值金六百餘萬元。則徐乃盡釋諸人。事聞於朝，大為稱許，詔命盡燬所獲煙土以絕後患。則徐因會同兩廣總督鄧廷楨，悉焚之於虎門海岸。英人自領事義律以下，皆怏怏去廣州赴澳門，諸外國商民相率從之，一時廣州城外二百八十餘艘之商船，留者僅二十餘艘。林則徐補授兩廣總督，鄧廷楨調任閩浙總督。是時清政府日圖禁絕鴉片，不遺餘力。三年之內，京城內外各衙門發見鴉片罪犯發交刑部審訊不下數百起。是年夏五月，諸王大臣又議定新例三十九條，凡開設窯口屯積鴉片者，為首斬梟，為從絞監